

Die Straffen Eins

Falschen Ehydtes/ darfür sich Ein Jeder
Christlicher Mensch hüten soll.

Erstlichen ein jeder Christlichen Mensch/der ein Eydt schweren
müß/der Soll auffheben drey finger/bey dem ersten/das ist der
Daum/dar bey ist Zuuerstan/Gott der Vatter/bey dem andern/
Gott der Sohn/bey dem dritten/Gott der Heilig Geist-

Die andern zwen finger/in der Rechten handt/Vieygt ehr vns
dersich/der eine bedeut die Köstliche Seel/als die verporgen
ist/vnnd die Menschheidt/vnd der fleine finger bedeutet den
leib/als der leib klein ist/zu schetzen gegen der Seelen/vnd bey
der gantzen handt/Wirdt bedeut/der einiger Gott vnd Schöpffer der
Menschen/vnd alle Creatüren Geschaffen hatt/welcher Mensch nun
Ruch loß vnd ime selbst feindt ist/das ehr ein falschen Eydte schwert/ in
solcher weisse als ich heütte falsch schwere/also bite ich Gott den Vatter
Gott den Sohn/ vnd Gott den Heiligen Geist/vn die gantze Heilige
Dreyfaltigkeit/das ich müß außgeschlossen/vnd auß gedilget werden/
auß der gemeinen Gottheit/das mir dieselbe Gottheit/ein fluch meines
leibs vnd Lebens/ vnd der Seelen zu Ewiger verdammuß.

Zum Andern/redt der Meineydig Mensch so viel/als ob ehr spr
ech/ als ich heute falsch schwerē/ so bitt ich Gott den Vatter/Gott
den Sohn/Gott den Heiligen Geist/vnd die gantze Heilige Drey
faltigkeit/das sey mir Nimmermehr zu helfen oder zu Trost kom
men/vnd sonderlich die zeit/war sich mein leib vnd Seel von ein Ander
scheidt.

Zum Dritten/der also falsch schweret/der Redt als ab er sprech/als
ich heute falsch schwere/also bitt ich Gott den Vatter/Gott den
Sohn/Gott den Heiligen Geist/vnd dē Kostbaren Fronleichnam/
vnser lieben Herren Jesu Christi/das sein gründtlose Barmhertz
igkeit/vnd sein vnschuldig bitter leiden vnd sterben/das ehr ahm stam
men des Creuzes/sein Koffenfarbes Bludt vergossen hatt/ahn mir ar
men Sünder entzogen vnd verloren werde.

Zum vierten/der also schweret/der Redet als ob ehr spreche/ als ich
heütte schwere/also sol mein Seele/die da bedeutet würt/bey den
4 finger/vnd mein Leib/der da bedeutet würt/bey dem fünfften
finger/